

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 449637 23 St
Tuzla, 04.03.2024.godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom „nad imovinom dužnika EMOTEP“ društvo sa ograničenom odgovornošću za unutrašnju i vanjsku trgovinu i remont motornih vozila Kalesija, Kalesija bb, nakon provedenog prethodnog stečajnog postupka donio je dana 04.03.2024.godine slijedeće:

R J E Š E N J E

OTVARA SE stečajni postupak nad imovinom dužnika „EMOTEP“ društvo sa ograničenom odgovornošću za unutrašnju i vanjsku trgovinu i remont motornih vozila Kalesija, Kalesija bb, MBS:18781, JIB:4209097490008, račun broj: 132-140-03091620-74 kod NLB Banke d.d.

Za stečajnog upravnika imenuje Emir Nuhanović iz Živinica, ul. Priluk broj. 65.

ZAKLJUČUJE SE stečajni postupak nad imovinom dužnika „EMOTEP“ društvo sa ograničenom odgovornošću za unutrašnju i vanjsku trgovinu i remont motornih vozila Kalesija, Kalesija bb, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St St 449637 23 St od 08.11.2023.godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika „EMOTEP“ društvo sa ograničenom odgovornošću za unutrašnju i vanjsku trgovinu i remont motornih vozila Kalesija, Kalesija bb, a za privremenog stečajnog upravnika imenovan je Emir Nuhanović iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 12.01.2024.godine. Iz izvještaja privremenog stečajnog upravnika proizilazi da je navedeni privredni subjekt prestao sa radom Odlukom osnivača broj:01-02/23 od 18.07.2023.godine. Društvo ne posluje jer mu je glavni račun otvoren kod NLB Banke d.d. ugašen. Stečajni upravnik je utvrdio da je osnivač i direktor društva Ibrahim Čanić, da društvo nema zaposlenika, niti pokretne i nepokretne imovine. Društvo ima obaveze po osnovu neisplaćenih plata, doprinosa i ostalih obaveza za poreze, doprinos i druge dadžbine u ukupnom iznosu od 66.831,02 KM. Stečajni upravnik je mišljenja da su ispunjene pretpostavke za otvaranje stečajnog postupka nad imovinom dužnika društva „EMOTEP“ društvo sa ograničenom odgovornošću za unutrašnju i vanjsku trgovinu i remont motornih vozila Kalesija, Kalesija bb.

Stečajni dužnik a što proizilazi iz izvještaja i mišljenja privremenog stečajnog upravnika je u roku od 60 dana od dana nastupanja platežne nesposobnosti podnio prijedlog za otvaranje stečajnog postupka.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 18.01.2024.godine pozvao predlagača, povjerioce i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.500,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 8/24 dana 31.01.2024.godine, oglasnoj tabli suda dana 19.01.2024.godine i na web stranici suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija

Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.

